

8. januaari 2026

Inatsisartut Suleriaasianni § 37, imm. 1 naapertorlugu tulluuttumi apeqqutit Naalakkersuisunut saqqummiuppakka.

Naalakkersuisunut apeqqutit:

- 1. Inatsit atuuttoq naapertorlugu allaffissornikkut, aqutsinikkullu meeqqerivinni aqutsisunit ullumikkut suliareqqusaasut Naalakkersuisut qanoq nalilerpaat?**
- 2. Meeqqerivinni aqutsisut perorsaanikkut aqutsisutut akisussaaffimmi isumaginissaasa periarfissaannut, suliaasat massakut agguataarneqarnerat sunniuteqarnerat Naalakkersuisut qanoq nalilerpaat?**
- 3. Pingaartumik sulisunik ataavartunik amigaateqarnermi, meeqqerivinni aqutsisut allaffissornikkut nammataannik oqilisaanissamik pisariaqartitsineq pillugu Naalakkersuisut qanoq isumaliuteqarpat?**
 - a. Allaffissornikkut sulisunik imaluunniit sulisunik allanik atuineq ilanngullugu, meeqqerivinni allaffissornikkut suliaasat naleqqunnerusumik suliarineqartarsinnaanissaat Naalakkersuisut qanoq tapersersorniarpaa?**
 - b. Meeqqerivinnik ulluinnarni ingerlatsinermi, allaffissornikkullu sulinermi NI-mi soraarummeersimasut ilanngullugit allaffissornermi ilinniarsimasut akuutinneqarnerunissaanut suut Naalakkersuisut periarfissaasoraat?**
- 4. Meeqqerivinni aqutsisut eqqissillutik, illersorneqarsinnaasumik, inatsisillu siunertaanut naapertuuttumik suliaasaminnik suliaqarsinnaanissaannut pisariaqartumik sinaakkuteqalernissaat Naalakkersuisut qanoq qulakkeerniarpaa?**
- 5. Sammisamut soqutiginarturnik allanik Naalakkersuisut paasissutissiisinnaappaa?**

(Inatsisartunut ilaasortaq Pipaluk Olsen, Demokraatit)

Tunngavilersuut

Meeqqerivinni aqutsisut perorsaanikkut aqutsinissamik, sulisunik aqutsinissamik, allaffissornikkullu annertuumik suliaqarnissaannik inatsit atuuttoq annertuumik akisussaaffiliivoq. Illersorneqarsinnaasumik ingerlatsinissami suliaasat taakkua pingaaruteqarlutillu pisariaqarput, sulinermini suliaasat nammatat annertooujussuannngorsimallutik.

Ilutigisaanik sulisunik atorfinitsitsiniarnermik, sulisullu pigiinnarneqarnissaannut meeqqeriviit ataavartumik annertuumik unammillernartitaqarput. Taamatut inissisimanermi, ilaatigut soorlu paarlatsissarsiortarnermi, sulisunullu pilersarusiortarnermi tassanngaannartumik suliaasaqalernermi aqutsisut sulinerminni



qaavatigut artukkerneqartarput. Massakkut aaqqissuussineq sulii ullutsinnut naleqqunnersoq tamatumani apeqquusernarpoq.

Meeqquerivinni aqutsisut eqqissisimasunik, toqqissisimanartunillu sinaakkuteqarlutik aqutsisutut suliasaminnik suliaqarsinnaanissaat aalajangiisuvoq. Aqutsisoq allaffissornikkut suliasanik suliasaqartuaannanngitsoq sulisunik tapersersuinissaminut, ulluinnarni allannguissusermik pilersitsinissaminut, meeqqanullu neqeroorutit ineriartortinneqarnissaasa, pitsaassusaasalu ukkatarinissaannut pitsaanerusemik tunngavissaqartarpoq.

Ilutigisaanik inuiaqatigiit allaffissornikkut piginnaasaqarput ullumikkut tamakkiisumik atorluarneqanngitsunik. NI-mit ilinniarsimasut ilanngullugit allaffimmiutut ilinniarsimasut, suliffissaminnik nassaaruminaatsitsisunik ilinniarsimasoqarpoq. Meeqquerivinni allaffissornikkut tapersersuinissamik pisariaqartitsinerup, piginnaasallu pigineqareersut akornanni ataqatigiissitsinerusoqarsinnaannginnersoq isumaliutigissallugu tamanna pissutissaqalersitsivoq.

Taamaattumik massakkut inissisimanermut Naalakkersuisut qanoq naliliinerinik, naleqqunnersumillu aaqqissuussinikkut, isumalluutinillu piusunik atorluaanerunikkut meeqquerivinni aqutsinerup aamma ingerlatsinerup nukittorsarneqarnissaannut suut periarfissaanerinik paasinninnissaq apeqqutini siunertaavoq. Aqutsisunut, sulisunut, minnerunngitsumillu meeqqanut iluaqutaasussamik meeqquerivitsinni pitsaassutsip qaffassarneqarnissaa siunertaavoq.

Apeqquteqaatinnut akissutit piffissaliussap ullut suliffiusut qulit iluini tigunissaat qilanaaraara.